



## Universitätsbibliothek Paderborn

**Consolator Fidelis Et Proficientis Animæ seu  
Exhortatiunculæ Spirituales Et Succinctæ In singulas  
Dominicas & Festa anni divisæ, quibûs Confessarius in S.  
tribunali animam Deum verè quærerentem paternè ...**

**Eisvogel, Veremund**

**Augustae Vindelic., 1727**

29. S. Thomas Episcopus & Martyr

[urn:nbn:de:hbz:466:1-52716](#)

716 XXIX. Decembris. S. Thomæ Archiep.

te, offeramus hodie *psalmos graduales*. Ab hypocrisi, à simulatione & politiâ subdolâ libera nos Domine! *Hypocrite vivunt aliis, & sibi moriuntur*. S. Greg. O miseros!

Festum S. Thomæ Angliæ Cancellarii,  
Archiepiscopi, & Martyris pro Immunitate  
Ecclesiæ Constantissimi.

EXHORTATIUNCULA I.

O Quàm arduum S. Thomas subiit certamen  
pro Ecclesia! Jacturam bonorum, amico-  
rum proscriptiones, exilia, & quidquid malo-  
rum potuit inferri, tulit à rege Henrico. Qua-  
mentis dispositione? Immoto vultu, & animô  
invictô. O fili! qui fuimus hoc anno impati-  
entia, & fortitudine Christiana? O si æquales S.  
Thomæ! quanta jam nostra foret merces in cœ-  
lis! Sæpe quæ inter damna censemus, ut pluri-  
mùm lucra nostra sunt. Opes, honores, æsti-  
mationem hominum nobis aufert Deus, ut ibi  
quæramus, & quærendô inveniamus, ubi felix  
perpetuitas. Felix jactura, & damnum, quod  
tam salutaris doctrinæ fit magisterium. Deser-  
rant illa nos potius, quàm ut Deum deseramus.

*Instructio meritoria.*

O quàm modica nobis de Deo spes! satisfacia-  
mus, & propter multivarias pusillanimitates im-  
patientias, murmura, & inordinatas tristitias per-  
solvamus vesperas ex officio defunctorum cum  
uno peculiari Rosario pro animabus, quæ & pro-  
pter paria vitia gravissimè luunt inter purgatori

cor-



XXIX. Decembris. S. Thomæ Archiep. 717

tormenta. Descendamus ad inferos! docebimur,  
plus perpeti mundi mala, quām favoribus ac lau-  
dibus hominum extolli.

II.

Puerulum adhuc Mater Divina Maria invisit,  
& in tesseram sui amoris casulam donavit  
purpurei coloris. Honorat Maria devotos sibi  
amicos. Hæc munera si nobis desint, fili!  
causa in promptu est. Vacui sumus Mariæ re-  
verentiâ, & amore. Mater est pulchræ dilecti-  
onis, & timoris, & agnitionis, & sanctæ spei.  
In Maria gratia omnis vitæ, & veritatis; in  
Maria omnis spes vitæ, & virtutis. *Regina cœ-  
lorum est, misericors est, Mater Unigeniti  
Dei est.* Et ab homine despicitur, inhonoratur?  
Fili! non emendabimus pro anno sequenti?

*Instructio meritoria.*

Non annum expectemus novum! Sit hodie  
amori initium! Ergo, quæ vacua sunt, implea-  
mus, præsertim à manè ad signum salutationis  
Angelicæ sine mora surgendô, hácque primâ  
diei, & nostrûm victoriâ Mariam venerandô.  
Salutationi subjungamus quinqu, *Ave cum Ma-  
gnificat.* O felix! ò sanctum! ò jucundum diei  
initium, quod cœptum à nomine Mariæ. *Hoc  
reficit lassos, sanat languidos, illuminat cœcos, re-  
creat debiles, ungit agonistas, pellit dæmones.* Idiota.

III.

Maria S. Thomam docuit modum sua tum  
in terris, tum in cœlis concepta venerandi  
gaudia. Sic nunquam non in bono Magistra  
est

718 XXXI. Decembr. S. Sylvesti Papæ.

est cœlum Regina , dulcis Virgo Maria. In difficultatibus ad Eam recurramus ! Audiet vota ! Approbat desideria ! *Qui me invenerit, inveniet vitam, & hauriet salutem à Domino.*

*Instructio meritoria.*

Quia Maria sic ordinavit, & sua gaudia mundo manifestavit, in venerationem *septem gaudiorum*, quibus in terra fuit perfusa ; item & illorum septem, quibus jam gloria laetatur in cœlis, totidem *Pater & Ave* cum *septemplici Magnificat* oremus. Recedant tristia, ubi recoluntur Mariæ gaudia! Ad hæc ridet cœlum, terra laetatur, *Angeli congaudent, dæmones contremiscunt.* Idiotæ,

Dies ultima Anni sacra S. Sylvestro Papæ, & Thavmaturgo Clementissimo.

*EXHORTATIUNCULA I.*

Fili ! quod Paulus , quod & sibi in lectulo mortis dixit S. Sylvester , nimirum : *Bonum certamen certavi, cursum consummavi, fidem servavi.* An idem & nobis hâc ultimâ anni die repetere licet ? Licet , si vita non reclamat. Quæ enim consolatio nostra, si nos damnnet propria conscientia ? Huic dum anno sequenti invigilabimus scilicet, recordemur, nos laboraturos Deo : & jam labor non erit gravis. Ubi enim amor est magnus, ibi omnis labor est modicus. Possimus laborem alleviare , fugere omnem non possumus.

*Instructio meritoria.*

Reformemus jam corpus humilitatis nostræ, &